

【國家社會科學基金重大項目（11&ZD119）】
中國人民大學佛教與宗教學理論研究所

何建明 主編

中國地方志
佛道教文獻匯纂


寺觀卷

（209）



國家圖書館出版社

奉新縣圖



南昌府奉新縣輿地圖說

一縣城高一丈厚五尺週圍五里計長九百丈城上垛口共一

千三百有奇凡五門東賓陽西霽霞南迎薰又青雲亦稱小南門又近

學宮

稱學門北拱宸

一縣城守兵九十六名外塘汛四處詳圖分防兵二十名

一縣東路出東門南渡河經歧山下循河東行二十里至宋埠

又十五里至石鼻自縣治至此共三十五里與新建交界又

東至新建縣治八十里又自宋埠隔河對岸爲安義之黃家

洲與南康府安義縣交界又東北至安義縣治二十里

按志載四十里至石鼻詢之土人由三溪經黃家洲至石

鼻適合四十里惟黃家洲已爲安義轄而宋埠爲本境故

今兩列之

又出東門十里至三溪鋪亦與安義交界道旁有界牌又十里卽

安義之黃家洲

按志以三溪爲東北路今同列之東路又志言東二十里

至筲箕鋪安義界今勘筲箕鋪尙在黃家洲地東

一縣東南路出南門渡河經岐山之西十里至桃樹鋪又十里

至陽烏鋪俗稱五顯岡又十里至路口又十里至界牌鋪自縣治至此

四十里與新建交界又七十五里至省城爲驛路

按界牌鋪今無村坊土人以路旁三角塘爲識其南有梧

桐嶺脊分三界西爲奉新東爲新建南爲高安又志言東

南四十里至新建之落瓦界牌鋪語殊含混今履勘落

瓦尙去界牌二十里

一縣東北路出北門經建康鄉二十里至耕溪又十里至乾洲

又十里至顧埠自縣治至此共四十里爲東北止界自此過河而北其西爲靖安之繆溪與靖安交界東爲安義之台山與安義交界

一縣南路出南門經歷樹橋二十里至鬱岡嶺志作十二里倒誤與瑞州府

高安縣交界又南四十里至高安縣治

一縣北路出北門十里至界竹鋪又十里至烏嵐鋪共二十里

與靖安縣交界爲大路又至靖安縣治二十里

按志言北二十里至長山靖安界今勘長山卽在烏嵐鋪

之右非二路也

一縣西路出西門十里至九梓鋪又十里至山口鋪又十里至

下陂鋪又十里至渣村鋪又十里至遊路鋪又十里至上富

又十五里至橫橋又二十里至甘坊又十五至西塔汛自縣

治至此一百十里與義甯州交界又至義甯州治一百三十

五里爲大路

又自甘坊分路左行三十里至我橋與瑞州府新昌縣交界

右行四十里至百丈山與義甯州交界爲小路

按志言西南百四十里至新昌界卽指我橋一路惟里數

畧多耳又言西稍北一百四十里與義甯州之寒婆嶺界

今勘自西塔西北山勢重疊約三十里卽寒婆嶺也惟西

塔已屬止界不更據其遠也

一縣南路自距城三十里之下陂鋪分路左行十五里至駕山

又二十里至華林山自縣至此六十五里交瑞州府之高安

界又南至高安縣治八十里

又由西路距城六十里之上富分路左行三十里至白水嶺

亦交高安界爲小路

一縣西北路自西路距城四十里之渣村鋪分路右行十里至

陰村又十里至羅坊鎮又十里至治城又十里至路口鋪又

十里至黃沙鋪又十里至礪面鋪又十里至九仙湯又十里

至茅岡嶺又五里至白沙埠卽茅竹山自縣治至此共一

百二十五里與靖安義甯兩州縣交界又西至靖安縣治一

百十里西北至義甯州治一百十五里

又自距城十里之九梓鋪分路右行十五里至會埠又四十

里經夫子山至路口與上路同抵靖安義甯界

一縣東至石鼻界三十五里西至西塔汛界一百十里計廣一

百四十五里南至巒岡嶺界二十里北至烏嵐鋪界二十里

計袤四十里東南至界牌鋪界四十里西北至白沙埠界一

百二十五里計斜長一百六十五里西南至白水嶺界九十

里東南至顧埠界四十里計共斜長一百三十里

又出西門經四溪萬坑上里三十餘里至土塘石嶺

一帶亦交靖安界爲山僻小路

一縣共十一鄉見圖外歸德一鄉零星散處已相沿久無鱗次

一縣馮水爲大河源出百丈山至甘坊與找橋之水合以下始

通舟楫迤邐而東衆流畢聚經縣治下至石鼻爲水路止又

乾洲之水源自靖安從顧埠出境與安義之柏城合流趨東


北合石鼻之水同入具城大湖

一縣東面平衍無大山惟出城而西重山疊峙南北對聳中夾

河流西南自找橋枯竹凹一帶綿亘數十里至華林山峯

巒聳峙爲南路巨鎮與河北越王山遙爲拱揖西北百丈山


雄麗險峻爲一邑山水之宗亦爲一邑險要之最右通入疊
嶺左通茅竹山勢成犄角爲防守必爭之地互見義甯圖說
中



靖安縣圖

見
方
十
里





南昌府靖安縣輿地圖說

一縣城身高一丈五尺厚七尺六寸週圍二里有奇計長五百

零三丈城上堞口五百九十有奇凡五門東紫陽西德勝北

挹秀南文明又小南門

一縣城守兵六十六名外龍頭汛外委駐此防兵十八名

一縣東路出東門八里至洪山又十二里至湓溪俗呼茂埠共

二十里東過河卽抵安義之桐城界又至安義縣治二十里

按志載東大路三十五里界安義之齊頭山卽齊雲山

又言東路三十里至安義台山界今勘東至湓溪與安義

之桐城僅隔一河齊頭台山皆相近而稍偏北又志圖載

東至奉新縣洪山界十里今勘洪山東南接奉新界不得

以洪山卽爲東路止界

一縣東北路自距縣八里之洪山分路左行十二里至仁首又

五里至棠港又五里至遼源又十里至蛟源山自縣治至此

四十里交安義界

又自遼源分路左行十五里抵安義之橋嶺爲北至南康府

建昌縣之路又至建昌縣治五十里

又自蛟源分路左行十二里至福源又五里至王家尖自縣

治至此共五十七里與南康府之安義建昌互界右行至安

義縣治五十里左行至建昌縣治二十五里

按志載蛟源在王家尖西北今經勘詢實在東南蓋蛟源

止界安義王家尖則並界建昌也應入東北路爲正

一縣西路出北門十里至石霞又十五里至押灘嶺又十里至

華坊又五里至湖田又五里至周坊又二十五里經泐潭至